



Jens-Frederik Nielsen  
Inatsisartunut ilaasortaq  
Demokraatit

## **Nalunaarasuartaatitigut sullissinerit internet-illu ammanerulersinneqarnissaat pillugu § 37 naapertorlugu apeqquteqaammut 2024-050-imut akissut**

20-03-2024  
Sullap nr.: 2024 - 4943  
ID. nr. 91454435

Asasara Jens-Frederik Nielsen

Nalunaarasuartaatitigut sullissinerit internet-illu ammanerulersinneqarnissaat pillugu Inatsisartut suleriaasianni § 37 naapertorlugu Naalakkersuisunut apeqquteqarput. Apeqqutit uannut akisassanngorlugit innersuunneqarput. Apeqqutit matuma kinguliani ataasiakkaarlugit issuarneqarput, akissuteqaat kingornaniilluni.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

### **Apeqqut 1. Attaveqaatinut internettimullu allanik suliaqartoqarnissaanik ammaassinissamut Naalakkersuisut qanoq isumaqarpat?**

Akissut: Apeqquteqaatit marlunnut avitaavoq, tassani nalunaarasuartaateqarnermi sullissinernut niuerfimmum aammalu internet-imut niuerfimmum Naalakkersuisut isumaat apeqqutigigakku.

Internet-imut tunngatillugu tunngavilersuutini allassimavoq: "*Isertugaataanngilaq, Tusass attaveqaasersornermut internettimullu kisermaassilluni ingerlatsimmat.*" Taamaattumik paasivara Tusass A/S saniatigut internet-imut niuerfimmi suliaqartunut allanut akuersinissamut Naalakkersuisut isumaat paaserusunneqartoq.

Eqqumaffigeqqussavara suliaasaqarfik taanna illoqarfiit nunaqarfiillu iluanni ammanerulersinneqareermat. Maannakkorpiaq Kalaallit Nunaanni nalunaarasuartaatinut neqerooruteqartartut, internet-imut neqerooruteqarnissamut akuersissummik peqartut, Tusass A/S-ip saniatigut tallimaapput. Pissutsit taakkua allanngortinnissaannut suliniuteqarnissamik Naalakkersuisut kissaateqanngillat.

Nalunaarasuartaatitigut sullissinernut niuerfimmi suliaqartunut allanut akuersinissamut Naalakkersuisut isumaat aamma paaserusunneqarpoq. Tamanna internet-imit allaanerusutut oqaatigineqarmat, naatsorsuutigaara oqarasuartaatit, pingaartumik oqarasuartaatit angallatakkat, tassani pineqartut.

Inatsisartut 2016-imi aalajangerput, Naalakkersuisut oqarasuaatinut angallattakkanut tunngatillugu "nalunaarasuartaateqarnermik kiffartuussinermi oqarasuaatinik kabelitalinnik angallattakkanillu neqeroortarnermi niuernerit ammanerulersinneqarnissaat unitsitsissagaat". (UPA2016/119) Naalakkersuisut tamatuma kingorna apeqqut isummerfigisimannngilaat.

Oqarasuartaatit angallatakkat Mobiltelefoni Tusass A/S-ip suliffissuarni aningaasaqarnermi akuutinneqarlutik ilaatinneqarput, aammalu ammanerulersitsineq ingerlatsinissamut akuersissummum tamarmiusumut, ilanngullugu pilersuinerup

isumannaatsuuneranut, sunniuteqassasoq ilimanarpoq. Taamaattumik ammanerulersitsinissaq pillugu aalajangiisoqassappat, tamanna pitinnagu sunniutaasussanut misissueqqissaartoqarsimasariaqarpoq.

Taamatutaaq nalunaarasuartaatitigut sullissinernik taperseeqatigiissitsisarnermut tamanna sunniuteqarsinnaassaaq, taamaalilluni oqarasuartaateqarneq aamma internet nunatsinni sumiiffinni assigiinngitsuni akisunerulersinnaalluni. Tamanna taamatutaaq misissueqqissaartoqassappat ilaatinneqartariaqarpoq, taamaalilluni paasissutissanik tunngavilimmik aalajangiisoqarsinnaassalluni.

### **Apeqput 2. Attaveqaatinut internettimullu unammilleqatigiinnerup ammaanneqarnissaanut inatsisitigut suut aporfiuppat?**

Akissut: Nalunaarasuartaatitigut kiffartuussinerit Nalunaarasuartaatitigut atassuteqarneq nalunaarasuartaatitigullu kiffartuussinerit pillugit Inatsisartut inatsisaanni maleruagassiivigineqarput. Aamma allatigut apeqput 1-imut akissut takuuk.

### **Apeqput 3. Attaveqaatinut internettimullu unammilleqatigiinneq ammaanneqassappat pisortanut aningaasatigut allaffissornikkullu kinguneri qanoq issappat?**

Akissut: Apeqputip 1-ip akissuteqarfigineqarnerata ataani oqaatigineqartutut internet illoqarfiiit nunaqarfiillu iluanni ammanerulersinneqareerpoq. Tamatuma saniatigut nalunaarasuartaatitigut sullissinernut internet-imullu niuerfimmi unammilleqatigiinnerup ammarneqarnissaanut atugassarititaasut annertussusissaatalu nassuiarneqarnissaat, akissuteqaammi pisariaqarpoq. Atugassarititaasut annertussusaalu aalajangersarneqarsimagaluarpataluunniit, pisortanut malittaasumik sunniutaasussat paasinarsinneqarsinnaanissaannut Kalaallit Nunaanni nalunaarasuartaatinut niuerfimmut tamarmiusumut aammalu nalunaarasuartaatitigut kiffartuussinernik Kalaallit Nunaanni pilersuinermit siunnersuummi sunniutaasussat paasinarsinneqarnissaat pisariaqartussaavoq. Annertussusissaata taassuma misissoqqissaarneqarnissaa Inatsisartut suleriaasianni § 37, imm. 2 naapertorlugu § 37 naapertorlugu apeqquteqaammut killissaliussat avataanniippoq.

### **Apeqput 4. Attaveqaatinut internettimullu unammilleqatigiinneq ammaanneqassappat namminersorlutik suliffeqarfiutilinnut aningaasatigut allaffissornikkullu kinguneri qanoq issappat?**

Akissut: Apeqputip 1-ip akissuteqarfigineqarnerata ataani oqaatigineqartutut internet illoqarfiiit nunaqarfiillu iluanni ammanerulersinneqareerpoq. Tamatuma saniatigut nalunaarasuartaatitigut sullissinernut internet-imullu niuerfimmi unammilleqatigiinnerup ammarneqarnissaanut atugassarititaasut annertussusissaatalu nassuiarneqarnissaat, akissuteqaammi pisariaqarpoq. Atugassarititaasut annertussusaalu aalajangersarneqarsimagaluarpataluunniit, namminersorlutik inuussutissarsiortunut malittaasumik sunniutaasussat paasinarsinneqarsinnaanissaannut, Kalaallit Nunaanni nalunaarasuartaatinut niuerfimmut tamarmiusumut aammalu nalunaarasuartaatitigut kiffartuussinernik Kalaallit Nunaanni pilersuinermit siunnersuummi sunniutaasussat paasinarsinneqarnissaat pisariaqartussaavoq. Annertussusissaata taassuma misissoqqissaarneqarnissaa Inatsisartut suleriaasianni § 37, imm. 2 naapertorlugu § 37 naapertorlugu apeqquteqaammut killissaliussat avataanniippoq.

**Apeqquut 5. Attaveqaatinut internettimullu unammilleqatigiinneq ammaanpeqassappat innuttaasunut aningaasatigut allaffissornikkullu kinguneriqanoq issappat?**

Akissut: Apeqquutip 1-ip akissuteqarfigineqarnerata ataani oqaatigineqartutut internet illoqarfiit nunaqarfiillu iluanni ammanerulersinneqareerpoq. Tamatuma saniatigut nalunaarasuartaatitigut sullissinernut internet-imullu niuerfimmi unammilleqatigiinnerup ammaanpeqarnissaanut atugassarititaasut annertussusissaatalu nassuiarneqarnissaat, akissuteqaammi pisariaqarpoq. Atugassarititaasut annertussusaalu aalajangersarneqarsimagaluarpataluunniit, innuttaasunut malittaasumik sunniutaasussat paasinarsisinneqarsinnaanissaannut, Kalaallit Nunaanni nalunaarasuartaatinut niuerfimmu tamarmiusumut aammalu nalunaarasuartaatitigut kiffartuussinernik Kalaallit Nunaanni pilersuinnermut siunnersuummi sunniutaasussat paasinarsisinneqarnissaat pisariaqartussaavoq. Annertussusissaata taassuma misissoqqissaarneqarnissaa Inatsisartut suleriaasianni § 37, imm. 2 naapertorlugu § 37 naapertorlugu apeqquuteqaammut killissaliussat avataanniippoq.

**Apeqquut 6. Naalackersuisut paasissutissanik eqqartukkamut attuumassuteqarsinnaasunik allanik peqarpat?**

Akissut: Tusass-imiit akissutissamik piniartoqarpoq, taannalu paasissutissiivoq:

"Kalaallit Nunaanni roaming-imut atuisartunut akigititanik Tusass aalajangersaasartuunngilaq, kisianni sullitap nammineq nalunaarasuartaatinut ingerlatseqatigiiffik atugaa aalajangersaasartuulluni.

Tusass-imi roaming atornerqarpoq aammalu nunarsuaq tamakkerlugu nalunaarasuartaatinik suliaqartuusunut akigititanut isumaqatigiissuteqarnermi nunani allani sullitat Kalaallit Nunaanneersut akigititanik akikinnerusunik "Tusass nunani allani" tunisassiatut ittunik, neqerooruteqartoqarsinnaalerluni.

Akigititanut isumaqatigiissutit nunani allani suliaqartuusut Kalaallit sullitaminut akikinnerusunik akeqartitsinissaannut periarfissiipput, kisianni ajoraluartumik nunani allani suliaqartuusut periarfissamik taassuminnga atuisarnerat nalinginnaasuunngilluinnarpoq.

Uunga " Kalaallit Nunaata nunat allat assigalugit takornarianut nioqutilinnullu neqerooruteqarnissaq namminneerlutik oqarasuaatimik atornissaannut roaming-imut akiliinngikkaluarlutik" tunngatillugu, akissutissaq tassaavoq, tamanna Tusass-ip sunniuteqarfigisinnaasaasa avataanniittoq.

Allattoqarmat "nunat allat assigalugit" immaqa EU-mi maleruagassat, Nalunaarasuartaateqarnermi suliaqartuusut EU-p iluani roaming-imi qaffasinnerusunik akeqartitsinissaannik inerteqquteqarfusut, innersuussutigineqarsimassapput.

Maleruagassat taakkua Kalaallit Nunaanni atuutinngillat, tassami Kalaallit Nunaat EU-mut/EAA-mut ilaasortaannngimmat.

Tusass nunani allani suliaqartuusunut IOT-inut (inter operator tariffs) isumaqatigiissuteqarpoq. Suliaqartuusut taakkua tamarmik Tusass-imi

akigititaqarput, Kalaallit Nunaanni sullitaminnut oqarasuaatiminnik angallattakkanik atuisinnaalersitsisunik. Ingerlatseqatigiiffiit aalajangersimasut Tusass-imut MB-nut taamaaqataannut 0,05 – 0,1 DKK-inik aningaasartuuteqartaraluarlutik, MB-imut 50-80 DKK akornanni sullitaminnut akigititamik neqerooruteqartartut ilisimaaraarput. Roaming-imut akigititat neqerooruteqartut nittartagaanni takuneqarsinnaapput. Suliaqartuusut taakkua Kalaallit Nunaanni sullitaminnik roaming-imik atuisitsinissamut piumassuseqannginnerat, akigititani Tusass-ip akilersittagaanni takuneqarsinnaasussaangillat, kisianni taamaallaat taakkua tungaanniit ingerlatsinermut periusissiaattut isigineqarluni. Tusass nammineerluta akigititatsinnut tunisassiatsinnullu sunniuteqarpoq, taamaattumik takornarianut tunisassiarput, takornariat Kalaallit Nunaanni oqarasuaatinik angallattakkanik atuinerannik akikinnerulersitsisoq, atuutilersinniarlugu aalajangersimalluta. "

**Apeqquut 6 a. Maani nunatsinni roaming-ip sulii taama akisutiginera sumik peqquteqarpa? Naalakkersuisut suliniutiginerlugu, Kalaallit Nunaata nunat allat assigalugit takornarianut nioqqutilinnullu neqerooruteqarnissaq namminneerlutik oqarasuaatimik atornissaannut roaming-imut akiliinngikkaluarlutik?**

Akissut: Apeqquummut 6-imut akissuteqaammi oqaatigineqartutut, takornariat inuillu suliaqarlutik maaniittut pineqartut roaming-imut aningaasartuutaat taakkua nalunaarasuartaatinut sullissisuinit aalajangersarneqartarput. Nalunaarasuartaatinut sullissisut taakkua, nalunaarasuartaatinut sullissisut pineqartut nunami angerlarsimaffianni inatsisit malittussaavaat. Taamaalillutik takornariat suliaqarlutillu nunatsinniittut nunanit allaneersut roaming-imik Kalaallit Nunaanni atuinissaannut akigititanut atugassarititaasunullu maleruagassiinissamut Namminersorlutik Oqartussat piginnaatitaangillat.

EU-mi aamma EØS-imi nalunaarasuartaatinik neqerooruteqartartut Kalaallit Nunaanni roaming-imik atuinissamut immikkut akiliisarnissaannik piumasaqaateqartannginnissamik peqquneqassappata, Kalaallit Nunaata EU-mi roaming-imut maleruagassiinermi Kalaallit Nunaata ilaalernissaa pisariaqarpoq. Tamatuma pinissaanut Naalakkersuisut maannakkorpiaq iliuuseqarlutik sulissutiginninngillat, kisianni Kalaallit Nunaanni nalunaarasuartaateqarnikkut attaveqaasersuutini aningaasaqarnermut tunngatillugu tamanna naapertuussinnaanersoq takussuarput.

**Apeqquut 7. Eqqartorneqartumut attuumassutilinnik allanik Naalakkersuisut paasissutissiisinnaappat?**

Akissut: Kalaallit Nunaanni isorartussutsit annertoorujussuunerat aammalu nunarsuarmi innuttaasut siammasissumi siammarsimanerpajunerat immikkuullarissutaammat, eqqumaffigeqqussavara. Tamatuma kingunerisaanik nalunaarasuartaatinut niuerfik, taamaalillunilu nalunaarasuartaatitigut attaveqatigiinnermik pilersuineq, sunnertiasorujussuupput, aammalu pilersuinerup isumannaatsuunissaata aarlerinartorsiortinneqarnissaa ajornanngitsuaraalluni. Taamaattumik pilersuinerup isumannaatsuuneranut aarlerinartorsiortitsisinnaasunik suliniuteqarnissaq mianersuuttussaavarput.

Aammattaaq takuuk § 37 naapertorlugu apeqquteqaammut 2024-041-mut akissut.

Neriutigaara matuma siulianiittuni apeqqutitit akineqarsimassasut.

Inussiarnersumik inuulluaqqutillunga



Hans Peter Poulsen

Ilanngussaq: Qaammataasiaq atorlugu attaveqaatinik sullissinerit pillugit § 37  
naapertorlugu apeqquteqaammut 2024-041-mut akissut



Pele Broberg  
Inatsisartunut ilaasortaq  
Naleraq

## Qaammataasiaq atorlugu attaveqaatinik sullissinerit pillugit § 37 naapertorlugu apeqquaqammut 2024-041-mut akissut

23-02-2024  
Sags nr.: 2024 - 4142  
ID. nr. 91082799

Asasara Pele Broberg

Inatsisartut suleriaasianni § 37 naapertorlugu Qaammataasiaq atorlugu attaveqaatinik sullissinerit pillugit Naalakkersuisunut apeqquaqateqarputit. Apeqquqtitit uannit akineqartussatut innersuunneqarput. Apeqquqtitit matuma kinguliani ataasiakkaarlugit allanneqarput, akissummiilu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanog.gl  
www.naalakkersuisut.gl

## Apeqquq 1 Naalakkersuisut pilersaaruteqarpat Kalaallit Nunaani Tusass A/S aqquutiginaq satelitsikkut kiffatuunneqarsinnaanissamut ammaassinissamut?

Akissut: Qaammataasiaq atorlugu attaveqaatinik sullissinerit Kalaallit Nunaanni ammaassinissaminut Naalakkersuisut pilersaaruteqanngillat, ammaassisoqaraluarpammi tamanna Kalaallit Nunaanni nalunaarasuartaatitigut attaveqaateqarnermi tamarmi aningaasaqarnermut, pilersuinermillu qulakkeerinerit eqquinerloratarsinnaammat.

Qaammataasiaq atorlugu attaveqaatinik sullissinerit allanik qinigassaqarnermi naatsorsuutigisinnaavarput, nunanit allanit nalunaarasuartaatinik neqerooruteqartartut aningaasanik isaatitsissutigisinnaasaminik, aningaasaqarnikkullu imminut akilersinnaatillugu nalunaarasuartaatitigut sullissinerit taamaalaat neqerooruteqartassasut. Taamaalilluni Tusass A/S isertitatigut annaasaqassaaq, nalunaarasuartaatitigullu attaveqaatinut aningaasartuutigisartagaat ammaassinikkut ikiliinatik. Tamanna Tusass A/S-ip Kalaallit Nunaanni nalunaarasuartaatitigut attaveqaatinik aserfallatsaaliuisinnaaneranut, ineriartortitsisinnaanerannullu unamillernartitsissaaq. Tusass A/S-ip, Kalaallit Nunaannilu nalunaarasuartaatinik neqerooruteqartartut allat Kalaallit Nunaanni nalunaarasuartaatitigut sullissinerit neqerooruteqartarnerat, matumani oqarasuaatinik angallattakkanik sullissinerit, qaammataasiaq atorlugu attaveqaatinik neqerooruteqartartut neqeroorutigineq ajugaat ilanngullugit sunnerneqassapput.

Tusass A/S-ip attaveqaatai pigitinnagit nunat allat namminneq soqutigisatik aallaavigalugit nunani allani soqutigisat, nalunaarasuartaatitigut attaveqaat suna sumi atorsinnaassaneripput, qanorlu akigigitagassanersoq, qanorlu sivistigisumik atorsinnaassaneripput aqussavaat. Taamaalilluni pilersuinermit qulakkeerinerit tamanna eqquissaaq.

Ammaassinikkut Tusass A/S-ip aningaasaqarnera qanoq annertutigisumik sunnerneqarnissaani, pissutsit nalorninartorpasuit apeqquqtaassapput. Taamaakkaluortoq ammaassinissamik aalajangiisoqarpat, tamanna qanorluunniit

kingunerluuteqassagaluarpalluunniit kingorna allanngortinneqarsinnaassanngimmat eqqumaffigissallugu pingaaruteqartorujussuuvoq.

Akuersissuteqartitsinikkut internetseqarnissamut, oqarasuaateqarnissamullu innuttaasunut periarfissiisumik illoqarfinnut, nunaqarfinnullu tamanut nalunaarasuartaatitigut attaveqaateqareerpugut. Tusass A/S-imi inuiaqatigiinnut ilaasumi, inuiaqatigiillu ineriartornissaannut akisussaaffimmik tiguisumi nalunaarasuartaatitigut attaveqaatinik ingerlatsigatta tamanna angunikuuarpugut. Teknologitigut periarfissat nutaat Tusass A/S-ip aamma atorluarniartarpai. Tusass A/S-ip ilaatigut qaammataasiaq atorlugu attaveqaatinik neqooruteqartartut Hisparsat aamma OneWeb isumaqatigiissusiorfiginikuuai, Tusass A/S-ilu Starlink-imik isumaqatigiissusiorniarsaraluni. Attaveqaasersuutitsinnut pisariaqavissunut ilaallutik Tusass A/S-ip sullissineri annaasinnaangilagut.

Naalackersuisut Starlink, qaammataasiarlu atorlugu attaveqaatinik neqooruteqartartut allat eqqumaffigaat, teknologilu nutaaq Kalaallit Nunaanni innuttaasunut iluaqutissanngorlugu atorluarnissaa kissaatigalutigu. Taamaattumik qaammataasiaq atorlugu attaveqaatinik neqeroruteqartartut pillugit naleqquttumik oqallissinnaaniassagatta, qaammataasiaq atorlugu attaveqaatinik neqeroruteqartartut pillugit nassuiaasiornissaq aallartilippara. Nassuiaat upernaakkut ataatsimiinnermi Inatsisartunut nassiuuneqassaaq.

#### **Apeqqu 2 Inatsisit suut allanngungassaappat tamanna anguneqassappat?**

Akissut: Nalunaarasuartaatitigut atassuteqarneq nalunaarasuartaatitigullu kiffartuussinerit pillugit Inatsisartut inatsisaatigut, Nalunaarasuartaatitigut sullissinerit malittarisassiuuneqarpugut.

#### **Apeqqu 3. Pisortanut aningaasatigut allaffissornikkullu kingunerisassai suussappat, killeqanngitsumik satelitsikkut kiffartuussineq atuutilissappat, soorlu internet aamma radio?**

Akissut: Qaammataasiaq atorlugu attaveqaatinik sullissinernik allanik qinigassaqaarnermi pisortanut aningaasaqarnikkut, allaffissornikkullu kingunissai § 37 naapertorlugu apeqqutitut sinaakkutit iluini qulaajarneqarsinnaanngillat, tak. Inatsisartut suleriaasiaani § 37-mi imm. 2.

Tassani pingaartumik qaammataasiaq atorlugu attaveqaatinik sullissinernik allanik qinigassaqaarnermi piunasaqaataasut, annertussusaalu apeqquummi nassuiaaserneqanngimmata. Taassumap saniatigut pisortanut kingunerisinnaasai paasisinnaaqullugit Kalaallit Nunaanni nalunaarasuartaateqarnermik niuerfiusumut, Kalaallit Nunaannilu nalunaarasuartaatitigut sullissinernut tamarmiusumut kingunissai qulaajarneqartariaqarpugut.

#### **4. Namminersortunut aningaasatigut allaffissornikkullu kingunerisassai suussappat, killeqanngitsumik satelitsikkut kiffartuussineq atuutilissappat, soorlu internet aamma radio?**

Akissut: Qaammataasiaq atorlugu attaveqaatinik sullissinernik allanik qinigassaqaarnermi inuussutissarsiutilinnut aningaasaqarnikkut, allaffissornikkullu kingunissai § 37

naapertorlugu apeqqutinut sinaakkutit iluini qulaajarneqarsinnaanngillat, tak. Inatsisartut suleriaasiaani § 37-mi imm. 2.

Tassani pingaartumik qaammataasiaq atorlugu attaveqaatinik sullissinernik allanik qinigassaqarnermi piumasaqaataasut, annertussusaalu apeqqummi nassuiaaserneqanngimmata. Taassumap saniatigut Kalaallit Nunaanni namminersorlutik inuussutissarsiutilinnut kingunerisinnaasai paasisinnaaqqullugit Kalaallit Nunaanni nalunaarasuartaateqarnermik niuerfiusumut, Kalaallit Nunaannilu nalunaarasuartaatitigut sullissinernut tamarmiusumut kingunissai qulaajarneqartariaqarput.


**5. Innuttaasunut aningaasatigut allaffissornikkullu kingunerisassai suussappat, killeqanngitsumik satelitsikkut kiffartuussineq atuutilissappat, soorlu internet aamma radio?**

Akissut: Qaammataasiaq atorlugu attaveqaatinik sullissinernik allanik qinigassaqarnermi innuttaasunut aningaasaqarnikkut, allaffissornikkullu kingunissai § 37 naapertorlugu apeqqutinut sinaakkutit iluini qulaajarneqarsinnaanngillat, tak. Inatsisartut suleriaasiaani § 37-mi imm. 2.

Tassani pingaartumik qaammataasiaq atorlugu attaveqaatinik sullissinernik allanik qinigassaqarnermi piumasaqaataasut, annertussusaalu apeqqummi nassuiaaserneqanngimmata. Taassumap saniatigut Kalaallit Nunaanni innuttaasunut kingunerisinnaasai paasisinnaaqqullugit Kalaallit Nunaanni nalunaarasuartaateqarnermik niuerfiusumut, Kalaallit Nunaannilu nalunaarasuartaatitigut sullissinernut tamarmiusumut kingunissai qulaajarneqartariaqarput.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Hans Peter Poulsen